

天柱縣五區團防志複製說明

《天柱縣五區團防志》，又名《天柱縣保安團防畧》，全書一卷，係記述清朝咸同年間天柱縣五區（今全處、高釀、甘洞、邦寨一帶）地主武裝鎮壓少數民族農民起義事。民國八年偽團防局首劉中煥、龍光武修，張德培（又題黃峭山樵）編輯。於次年付梓。原書每半頁十一行，每行二十二字；版框高六·九市寸，寬四·五市寸。現據貴州民族研究所藏刻本複製。

複製時校改了原書的一些錯誤，列有校勘記。

天柱
五區團防志

於書末，以便讀者參考。原書觀點立場，均極反動，讀者利用時，務請批判。

歡迎讀者對複製本提出意見。

承貴州民族研究所借給藏本，謹此致謝。

貴州省圖書館

一九六六年二月

敘

天下太平武備廢弛鄉里晏安尤甚光緒丙午股匪邱大漢率二三百羽翼橫行湘西黔東間我區當衝要頗受擾害楊渡等寨與高釀甘洞邦寨茅坪等團會黃少山訂守望約匪不敢犯辛亥反正有聶德遠者揭竿出洶洞司竄王寨吾鄉一日數驚時團務分六寨為上段四寨為下段而以中段之空處設局總其事嚴保甲以清內奸編鄉兵以應調遣人心藉以安靜丁巳南北戰起匪風日熾幸下段鄉兵一捷於涼傘再勝於榜山東南藩固獲安枕席迄於戊午鄰

天柱
五區團防志

團有為匪者從東防間道潛入劫三門塘劉遠峯家又據抱塘全寨捉粟用權等三人去我邊寨如皆雅中寨偏坡鴉地等處尤屬恐慌甚有遷徙露宿者里之父老集議以不佞及龍君季成承乏團務整理五月始能就緒其中經過艱苦階段不知凡幾以視咸豐同治間苗匪亂事百倍於茲固無論矣己未夏拙園先生團防志成冬月公議由局刊之廣傳當時任事諸先達烈績而垂鑒於後之從事團防者庚申三月付諸手民今己告成用撫數語以弁其首並述近時丙午辛亥間團務大概云

時

中華民國九年五月端午日肇文劉中燠敘於空處
忠義祠團務局榆窗下

天柱
五區團防志

由義上里當清水下游為湖南極西

邊徼

正時由

靖州撥隸天柱縣屬鎮遠府設千戶駐防空處以扼

湘黔門戶而控清台苗民明成化間蘇苗子李惟先

亂大軍溯沅水西上直搗白岩塘平之

在今錦屏縣八陽河口上

三里雞冠山下其時五谿同欵

欵禁即鄉約時謂團為欵

由湖廣

布政司頒花紅牛酒康熙三十五年梅子溪土匪成

羣四十八寨集竹劉寨議欵禁匪斂跡道光六年七

月匪劫偏坡張廷偉家七年正月劫彭家冲地冲而

廷偉家又劫二次至是欵禁弛團體解長官漠視斯

天柱

三

五區團防志

民善良畏賊如虎而宵小之輩轉得嘯聚羣黨乘機

竊發里人惴惴終日束手無策救時病鄉井自是不

安枕席矣

道光三十年庚戌廣西陳亞貴亂而洪秀全旋發難
金田縣主魏承祝令由義上里於雙坳關長堞嘴
築牆建關募軍守之是為防軍之始

咸豐元年辛亥移防軍駐龍鳳山遠口司來勸捐饟
防軍旋統四十八寨衆去地湖清鄉取其保甲切
結四月初八日里紳潘正文潘代勳彭相詔率衆
隨遠口司空處汎往下江地湖抄窩緝匪縣委彭
相詔徐起化募捐修縣石城

咸豐二年壬子元旦家家不開門如有所忌而竟無
人禁之者是秋不稜貨物昂貴

天柱
五區團防志

四

咸豐三年癸丑大旱田禾山糧獲僅仁成饑民以淘
金為生奸人圖兼併爭端大起伏路行劫者日有
所聞

咸豐四年甲寅里人多往外鄉就食留而外者議分
地段訴訟鬪毆少息

咸豐五年乙卯彗星見西方長數丈尾纏無數小星
革夷苗張秀眉叛四月仁里土匪百餘人劫麻鹽
塘九月劫銀洞十一月劫錦屏城

咸豐六年丙辰三月初五夜仁里土匪數百劫宰貢
十一日白晝劫空處店戶十五清晨復劫空處換

戶搜擄全市騷然汎官莫若何里人惶恐於是雅地坪坵地冲中寨鮑塘偏坡六寨首在雅地庵議聯防守互救援夜柝盡瞭人獲安枕里人漸知結團之有益九月二十八日四十八寨集坪坵議欵二十九日匪劫新開田又劫了婁坵加衆追之獲匪送汎供夥多里無賴三十日四十八寨齊往捕抄三處獲一匪送汎沉之十月太平山俞老科叛陷古州圍黎平空處汎吳運選里紳王先和集四十八寨會議貧者出力富者出貲大寨置抬鎗三門小寨一門匪來一致抵禦違者議罰旋有和尚

天柱
五區 團防志

五

肩牌傳匪檄搜獲號片名簿送汎斬之十一月俞匪竄錦屏官棄城走匪入據之匪前隊掠至十里坪岔路口銅門大腮等處我境戒嚴猪羊雞鴨殺盡先過年十二月初六日四十八寨復集坪坵議守南防派中寨大山唐家冲彭家冲吳家坵紫新魯冲地全媽羊打口洞了叉坡菜溪紫培加坵花里鮑塘皆雅紫四方坡竹寨劉寨高坡湍頭新寨栗木坪綿花坪紫雙坵關冲安孔阜地柳大冲哈嶺三門塘紫九佛塘雅地地冲紫洞蜡坵全處清浪宰貢楊渡紫楊渡角初七日自備口糧各守防

地是為我里防堵之始二十五日靖州六寨響應
俞匪集鴈鵠冲出掠九坡一帶被徐軍撲散三十
夜禁飲酒盤拿匪探一人殺於大冲渡口

咸豐七年丁巳正月楚軍復古州錦屏由金山砦進
紮十里坪俞匪遁楚軍緝辦秀迷二洞土匪百餘
人諭四十八寨緊守關隘屏蔽湘西

咸豐八年戊午鎮遠失守時銅仁思州思南有白號
黃號紅號諸匪古州苗復連都勻台拱清江諸賊
陷黔東南各州縣張秀眉出邛水掠至欸場等溪
粵匪犯湘西者將窺天柱縣主徐達邦令四十八

天柱
五區團防志

六

寨練團設備於是始議設局以統團防機關就空
處青木宮立局取名保安團舉紳管理有警派戶
丁出防不服調度統者難之其糗糧又責令自備
咸稱不便甚有在防逃歸者議者謂非訓練之士
不堪用大半主張招募練勇因軍需久難議決事
多阻碍局紳但敷衍而已

咸豐九年己未正月局開大會討論辦法始分部任
事各專責成西北防紮大嵐地柳等六大營銅鑼
窰炭等四大卡挑選里壯一千五百人為練勇駐
防操練每名月餼米二斗錢一千六百文獲一首

級賞錢三千六百文

賞分三等一殮賞歸全隊二俸賞歸檢者三割耳賞歸獲

耳者苗苗或衣紅者

乃俸餘斬首割耳 上戶派錢二百串中戶百五

下戶八十花戶照糧一斗三千統名軍需如東南

有警移軍防之練勇不足分布再調戶丁更番助

守議決呈縣縣令總理防務督辦糧饟發鈐記一

顆於是人有殺賊之心局無伴食之輩凡清查內

奸偵探匪情評議爭執諸事務均有責任而次第

畢理一洗從前苟安奉行之習其職務防地 如

左

總理局務王先和王恩培潘世堃

天柱

五區圍防志

七

總理糧饟萬蕙蘭吳展鶴

管理大風營糧台潘仁謙管理龍塘營糧台劉朝

俊管理楊渡營糧台劉六吉管理地柳營糧台吳

親武管理梅香營糧台鄧賢闖

管理軍需彭相詔唐繼寅劉德炳潘賢喬潘樹芳

彭煥彰

管理開支軍饟張萬盛劉堂斌劉堂樞王元本劉

翰榮吳正科

管理催收軍需潘德洋潘代勳彭化蛟鄧賢標曾

繼寅龍顯照杜明珠劉有寬吳大元彭亦珊李登

昭楊宏禧謝正拔劉本福楊在廷王貞修王元朝
王會賓王元邦彭守恭

管理採辦糧米龍威泮龍秀錦龍大通龍在剛吳
親富吳增國吳燕祥

總辦文牘潘世堃幫辦何平章書記王名濟

管理軍裝子藥王志常王大坤吳賢渭

總管防務統帶練軍龍甲三

副統帶兼營務處龍鑄臣

管帶橋香營全處汛千總夏天長

管帶金廠坳中營兼偵探長王志篤

天柱
五區團防志

八

管帶地柳後營王貞聖

管帶龍塘坡前營黃開榜

管帶楊渡角右營劉德奎

管帶大風左營劉堂楨

分防銅鑼段哨長龍天星

分防鹿坡哨分防窰炭哨分防大田段哨

此三哨
宜志名

八月翼王石遠開出靖州思州苗應之將道天柱

移軍堵四方坡雙坳關長埭嘴三處縣令與文里

守和尚坡地湖一帶隘口以龍甲三兼指揮甲三

駐長埭嘴居中策應搜獲內奸殺之以龍鑄臣守

四方坡夏天長守雙坳關天長乃韓超營十八隊之一以功授千總甲三謀致之以勦防務鑄臣先從甲三在韓營久經戰爭者特以二人當其衝賊偵四方坡軍少而險趨爭利鑄臣挖壕以待又用捕山隊伏前隘賊至我大礮連環轟擊賊退伏軍又掩之大敗去料賊必復飛告甲三命天長往助急調附近團丁守長埭嘴雙坳關悉軍赴之至賊已列隊前山今天長居左當賊右鑄臣居右當賊在天暝銜枚奔賊賊退次日賊如昨我先據高作戰壘以礮俯擊又伏精銳扼衝要遙樹旂幟疑之

賊左右翼先來猛攻我堅持不動另以小隊挑其中軸賊見旂幟忽不在山後遠聞號聲恐抄收隊去我突出襲擊賊敗復從中路大進我挑戰者折入谷越山出賊後夾擊賊前隊被我炮過衝漸卻我伏四發奮攻賊中部賊大亂潰奔去擠蹂死傷最多不復竄我東南境取路會同黔陽間是為我軍與賊戰之始

咸豐十年庚申我境安寧募捐壹千二百餘串將建萬緣會聞苗犯邛水乃止九月禮里教匪將據壩坪亂縣令宗發開偵知之調我軍三百會勦平之

時調團四惟我與太和團不受運動餘懷黃巾視
勝負為從違縣知之令我先戰匪烏合六七倍我
我分隊縱橫入匪陣太和團又助之匪大敗而被
運動者都掉為良與漢寨高釀王寨三團訂盟是
為四大團禍遂弭縣令我軍防沙子坡等隘以備
涵洞司匪是為我軍出防之始十一月楚軍在平
茶敗績退靖州南防吃緊盡調沙子坡防軍歸嚴
守洞蜡培加九佛四方坡諸隘王志篤偵賊至黎
平城

咸豐十一年辛酉正月作萬緣會二月玩龍四月至

天柱
五區 團防志

十

六月演戲十月粵匪由綏寧走靖州王志篤帶軍
二十名往探匪踞東山場十九日隘會同縣城賊
游騎至堡子脚將合大隊攻我我於合水關右長
埭嘴紮大營名長勝又紮小營於矮寨塘之會同
坳及雙坳關以為犄角我軍駐之長勝營左三里
紮白雲庵營右六里紮大鍋塘營前半里水獺洞
立木城水獺洞前梅子溪坳設石卡均派會同各
民入守以我親軍慣戰有胆畧者主之賊見防備
嚴道黔陽我境幸無恙是歲縣主徐達邦令我籌
協餉三千餘串又幫復柳齋餉五百餘串隨糧徵

收十二月奉旨優獎王先和萬蕙蘭潘仁謙張萬盛王元本潘代勳六名以從九不論單雙月補用王恩培藍翎同知銜試用知縣潘世堃以知縣試用加同知銜賞戴花翎龍甲三賞戴花翎即補都司王志篤王貞聖龍鑄臣三名藍翎把總吳展鶴一名候補縣丞黃開榜劉德奎二名六品軍功餘在事人均賞七八九品

同治元年壬戌三月初三日探報姜印方反合張秀眉從淘洞出禮里黃橋冷水等處姦民多應之我軍三百五十名出沙子坡迎敵斃苗五俘苗二苗

天柱
五區團防志

十一

退去四月初三日苗由犁元坡繞攻皮履漢寨破之踞漢寨為巢穴改名九龍山初五日我軍進紮仁里圭晚初七日已刻苗分股攻木杉掠瑤江我繞道躡擊擒苗七人奪回婦女二十餘人獲抬鎗三門大旗一桿小鎗六支苗死數十人退漢寨初八日我軍孤立圭晚時仁里姦民又多附賊乃拔營歸先是四大團攻守同盟賊襲皮履禮里團紳龍光習陣亡賊據有禮里全境我與仁里約我堵圭晚仁里圍堵界牌會木杉富榮等寨投苗不守界牌且謀內應以夾我下達團紳陶汝圭秘以告

我撤歸十八日苗攻楠香營夏天長擊卻之二十三日未刻姜印方陷天柱城知縣謝紹曾都司富珠隆阿棄城走是時一十一里多降苗受偽官爵苗由渡馬轉邦洞大行封賞於是杞寨有盤古王雷寨有文德王洛寨有黔南王又有東西南北等侯元帥將軍等職統歸定平王姜印方節制惟我與牛場三和團遠口聚星團江東定清團又仁里之上花下達二村不從苗而苗之環攻我者幾三月無一日休息復與毛平王寨團遠口聚星團牛場三和團相結守望相助患難相倚是為四小團

天柱
五區團防志

十二

二十四日上書告急總辦下游軍務兵備道陳梅准如所請辦理頒關防一顆大令一枝小令箭五枝令旂二面名曰天柱保安團忠義軍軍聲大震時陳道駐銅仁令親軍龍仁科彭起鳳易服蜡書往呈轉過高釀熟苗識之聚眾圍仁科起鳳潰圍脫走追急又遣小令箭遂復戰殺苗十餘人奪回令箭並獲二首級以歸局議軍單不敷設備乃添招高陽大款苗勇一千人合二千五百人分配六營營四百哨八十統帶親軍一百添紮濫田四方岩二大卡派哨長王志常龍德珍守之布置完密

防務日見起色五月初三日苗攻大風營劉堂楠
禦之楠香營出隊夾攻苗死八人退居仁里初四
日苗掠興文里欲從鷓鴣渡河聚星圍擊退之奪
得旂一桿初六日苗攻大風楊渡二營攻大風者
不敵仗據遠山半日自去我送隊不轉戰攻楊渡
者殊悍猛劉德奎督隊衝散復集來攻潛出襲擊
苗大敗苗死三十六人得耳六支俘二人奪得定
平王姜大旂一桿初八日探報苗將傾巢來攻龍
甲三親至地柳營督軍龍鑄臣駐大風營初十日
苗大股攻地柳營王貞聖出隊路邀苗中我伏死

天柱
五區團防志

傷相繼冒死前突愈戰愈酣愈衆將圍我退據窰
炭四方卡更番與鬪苗憊頗置戈坐地我亦佯息
忽出奔賊猛撲黃閣榜由龍塘來助縱隊橫衝王
志篤忽抄苗後苗敗去其攻大風營者分小股牽
掣楠香營以大股從馬槽襲攻龍鑄臣以五百人
當之苗輕我寡直薄營下我俟賊近木石俱下乘
勢壓之苗驚退走夜復來遙包作攻勢火光燭天
聲震山谷我戒勿燈勿語又派軍出營埋伏賊吶
喊不敢逼天明我整隊出戰苗潰躡擊之斬獲甚
衆而圍楠香營者亦解去十二日苗悉衆來燒地

柳寨先於夜半分攻金廠地柳二營及四方岩卡
又出窰炭截我使鎗相救攻地柳營賊多而勇越
壕伏壘下我鎗失勢戈矛難俯刺恃木石拋擊木
石盡將陷營誤以大釜擲之中紅衣賊首裂賊驚
擁救我躍出牆猛撲賊卻適援軍至賊敗去先是
大風濫田楊渡三處聞北防夜戰派軍赴之黎明
齊至賊已燬地柳寨我分隊救火復分三路解圍
又張兩翼夾攻賊死無數是夜龍塘鹿坡亦大戰
獲耳八支梭標雙刀火鎗各一件練勇鄭運洪蕭
永祥陣亡十三日聚星圍仍獲勝仗俘四人是日

十四

天柱
五區圍防志

我下里三和圍與苗在小江東門冲戰擒苗一人
耳三支刀六把小鎗十支大鎗三門圍練楊世宏
陣亡十四日苗攻大風楠香濫田楊渡地柳金廠
窰炭大田等營卡我據營禦之自寅至酉不分勝
負我出奮衝賊始退是日殪苗壹百餘割耳十一
支得定平王小旂一面鎗百餘標刀無數楊渡營
練勇楊有勝陣亡十五日會太和圍進勦王寨進
地良我楊渡營左右哨攻黃峭山燬苗坐營中哨
進龍蛟龍塘冲扛大風楠香二營由翁郎馬槽進
口洞濫田營進座寨地柳營由蛟環進白坭折至

圭大金廠營由金井至傘溪是日勦賊巢大小四十餘殲苗一百餘俘一人是時苗大集高釀木杉富榮我難深入收隊歸防十九日苗襲王寨營分股燒擄圭腮古竹等處楊渡營合毛平圍由地良坡往援截尾夾攻賊死無數遂逐至九重坡苗退木杉二十日金廠營練勇揚二端彭守錦彭蘭保潘厚光出老海冲放哨被圍厚光守錦蘭保突圍出蘭保傷斃二端陷賊捉去高釀寸礮同日苗攻地柳營擊退之俘一人二十一日苗攻我下里溪口等處親軍龍朝池帶隊赴援將苗擊退苗別股

天柱
五區
團防志

十五

繞襲地柳各隘燒金廠營前卡及鹿坡卡房朝池回軍救之截尾兜擊出苗不意苗大敗是日三和團陣亡劉三康魏老晚吳定東三名二十三日苗三股一犯地柳營一犯金廠營王志篤正貞聖擊卻之一攻鹿坡卡王志常帶親軍往救獲首級一三和團赴援陣亡練丁吳建光陳正坤二名獲首級一二十五日苗攻楠香大風二營夏天長劉堂榆出隊迎敵苗敗擒苗一人二十七日苗大股攻地柳金廠龍塘三營出隊擊退苗據白盆拒我大風濫田二營來助追擊之苗棄走復尾至老海冲

苗轉戰我練勇彭相昭彭相忠吳河和陣亡苗死
十餘人遂遁去六月初一日苗大股分攻大風楠
香二營出隊迎敵苗被我鎗傷甚多獲耳三支大
旗一桿初四日苗攻濫田營龍德珍出隊擊之賊
殊死戰不能退我分軍抄後賊奔斬首一級大風
營來助奪大礮一門苗從山箐遁去是日我地柳
金廠窰炭分三路進攻老海冲期時而誤我敗親
軍吳金聲吳云長蕭洪勝陣亡苗死數人我以困
守非計復約四團並進初五日楊渡濫田二營合
團丁進黃峭山至必弄地額地柳金廠二營進老

海冲至白金大風楠香二營進口洞至邦寨聚星
團進腰營三和團合銅鑼哨進營哨塘唯王寨團
少難進地良毛平進克烈不利被苗傷數人陣亡
數人初六日大風濫田楠香三營合團丁進富榮
富榮賊昨佯去夜復據巢拒我分衆四伏我至伏
發環攻我分軍搜伏攻者頗單幾為賊乘夏天長
立彈雨中揮軍拔鹿角越壕火柵賊窟乃潰去俘
一人死傷無數我陣亡練勇楊晚龍北珮團丁潘
大祿潘什祥張榮德王玉祖潘士厚龍盛拔等八
名燬賊營壘議援下達春花是日金廠地柳三營

進皎環斬首一級獲鳥鎗一水牛二圍丁吳本賢
陣亡楊渡營合圍丁會毛平圍進勦克烈苗詐降
伏待我及寨覺為後隊擁擠不能退賊鎗左右擊
我我拚力前衝遂冒出險毛平圍復陣亡帶傷數
人初七日留半軍搜勦附近匿賊以劉堂梅軍援
春花未至先被上花團紳龍武泮龍武捷擊賊走
我之援春花也約龍紳會攻我遠龍至伏待為賊
所覺遂督本村團丁猛攻賊棄春花走傘溪殪三
十人獲大旂八桿大刀三十五長標七十五鳥鎗
三拾鎗一我旋上花適援下達軍告急赴之遂獲

大勝先是富榮賊聞我進勦先往九龍山求救苗
大隊來援晚至下達團寡避匿山中苗入據之曉
夏天長至未悉為苗柵外呼門苗不聲亦不識為
我開門直鬪我且戰且退至田隴散隊為二苗圍
一突圍出苗緊追我轉戰脫之苗復圍陷危者再
一趨高地依林而陣賊難前我被圍軍潰出與合
間息抵禦日近午忍饑酣戰將緣林薄間退堂楫
至左右捲旂趨賊中軸整隊緩進賊火攻大風營
識旂驚呼援至遂陣亂我乘之賊奔死傷甚衆退
界牌越嶺趣木杉將斷我歸路我軍還同日地柳

營會三和圍進傘溪苗由春花敗歸者適相值我
縱隊薄之苗狂奔不敢入傘溪而據傘溪者亦驚
退遁入山林我軍搜山割耳一初九苗攻大風楊
渡營龍鑄臣伏路邀擊賊敗逐至姊妹岩下賊據
插花嶺掩下山阿伏賊狙進鎗傷我什長張德餘
及前鋒二勇漸卻鑄臣奪旂當先冒石仰攻奮力
衝上苗退其攻大風營者被楠香夾擊敗去俘苗
酋一人供其父子兄弟均從逆藏水大溪緝斬之
是日地柳金廠分二隊一出鹿坡迎敵一出贊溪
金井盤古等處放哨苗疑伏不戰去初十日苗攻

天柱

五區 團防志

十六

鹿坡金廠窰炭各營卡黃開榜由龍塘分隊來助
抄後擊之鎗殪數苗苗越山去攻窰炭者亦被我
擊退十一日苗攻楊渡營劉德奎戰敗之割耳一
支十二日苗撲濫田擒一人遂敗去十六日楊渡
營分前哨紮冲扒半山營是日苗再燬金井地柳
我分隊夾擊苗奔奪抬鎗一長桿數十俘賊二人
十七日苗大股分三路一由插花嶺窺興隆溪一
由斗街脚襲大碼頭一由地良坡進小寨苗燬小
寨廁屋一間又大碼頭店房三間毛平圍與賊巷
戰殺苗二人我楊渡營分三隊出援過賊進路大

風營又從上地坳出唐高抄賊後苗陷危盡退出地良坡去毛平不至失守十九日苗攻地柳金廠我出擊之苗敗得耳三支同日苗由插花嶺攻冲扒營禦之其另股從袍寨溪襲毛平龍鑄臣邀擊於毋壽溪左右伏攻苗敗二十日苗攻牛場我赴之大得勝二十二日夜苗攻地柳金廠賊衆我敵至午不支遂失守我退四方岩賊躡我急親軍彭起鳳據隘力鬪殺賊前鋒三人乃退去圍丁吳丙吳觀丙吳道發吳來安唐躬生吳王氏並其兩孩俱死之金廠營亦陷明日復地柳金廠二營以

天柱
五區團防志

十九

攻守不便不復駐軍前營之者以地柳大小五寨錯居二營間地又四敵非倚龍塘鹿坡戰守兩失其勢地柳再燬廬舍全無故議廢之改紮蜜炭營是日大風楊渡出與賊戰均不利賊不逼自退去牛場營同日陷賊我練勇七十二名圍丁一十六名陣亡失大旂五面小旂五十面先是三和圍受敵我派練勇二百圍丁一百往救約夾擊獲大勝斬俘最多苗退去陽言移攻我西防我軍撤半歸留百五十人助三和圍守駐牛場營營無特摘又不堅固主客軍共二百餘人其戶丁見苗退去盡

散歸要隘不設守越日大股賊突至我難支營遂陷二十三日苗攻大風濫田出隊要之自卯至未不收隊苗死八人得首級二俘一人練勇楊得勝陣亡二十四日苗來楠香大風營前哨探不敵仗二十五日苗大股乘早霧襲四方岩卡我飯不能軍潰退窰炭營賊尾圍之抵禦至申時苗來益衆攻益力我更番出戰賊饑疲將退去忽被龍鑄臣王貞聖王志常揮援軍掩殺大敗去團丁王先讓練勇金開炳龍秀寧陣亡二十六至二十八等日苗連攻窰炭營我一面禦敵一面築大勝坡營壘

天柱
五區團防志

二十

又紮孔阜高風坳三營倚角加軍駐守初以龍塘營懸危偏僻時紮時撤至是改設龍塘左嶺高風坳形勢勝前與大勝窰炭相呼吸苗俯仰攻之均不易又添軍守銅鑼大田障衛三營左右而攻守之勢又一變二十九日苗攻銅鑼段是日龍天星遠放步哨苗至中途被我伏軍夾擊大敗俘大旗手一人供平定王駕前將軍三十日苗一隊據地柳舊營又一隊據大風營前山我出彼退我退彼還如是者再終不敵仗日晡乃去一大股由插花嶺下分二隊一攻冲扒營一攻毛平寨楊渡營左

右二哨出楊家坳截賊龍鑄臣督中哨依河進至興隆街脚遇賊別股從地良來者猛搏之賊退追至德山老館前寨中火起苗一股從大碼頭溪出抄我後我退小寨脚被賊夾攻短刀相接混戰久之互多死傷鑄臣潰圍出隨軍六人苗分衆追鑄臣鑄臣轉戰適我後哨來援苗舍去我尾之又遇右哨自寨中出遂合擊先是左右哨至中途見冲扒營危分左哨往救右哨趨毛平寨背而毛平圍原紮之寨後營見賊衆早空壁退過河賊分二路來我擊蟪螂形一股愈戰賊愈多又見他賊已出

大碼頭溪我從虎園退入寨冒煙火出遇後哨合隊衝鋒解中哨圍奮勇敢殺賊敗去我陣亡練勇張德餘潘正祥潘世桃龍光典潘世顯孫越光楊大勝陸德秀羅德勝劉□貴潘二端龍玉華張得貴楊順明楊玉順胡啟元楊□貴王志昂吳展清楊德貴李實秀羅勝貴龍天勝楊定貴周永清楊天玉王定清張得陞羅高陞楊得勝等三十名七月初三日苗攻高風營黃開榜擊退之斬首四割耳一初七日苗圍大勝高風窰炭首尾相應我抬鎗連環擊之賊難近銅鑼大田來救繞後襲擊賊

大敗自相擠蹂斃苗七十二人獲耳四大旂一帶傷無數陣亡練勇六十四名我以進省路梗而稟下游總辦軍務處又屢遞難達乃議請湘救援接濟軍火於十一日飛稟湘撫毛鴻賓命援貴州軍田興恕發我子藥八月初旬我因苗穴逼近獨力難支再請援於湘軍飛字營周洪運和字營張雲鵬銳字營李績熙靖字營戈鑑於二十日統軍至渡馬二十二日我進紮高釀二十三日卯刻復天柱城二十四日進攻漢寨我當前鋒二十五日寅刻尅復九龍山燬苗營壘及各隘卡房苗退歸梁

天柱
五區團防志

二十二

上芭野楚軍旅沅州我撤回核算軍需用餼三萬餘金遣散四營留中營分防各隘楠香撤十之八親軍留十之二共存練勇五百名餉減二成獎只千六里中幹練及外招勇敢者十去其九已而龍甲三以前從韓超大營功由清江都司擢柳霽游擊同事疑其冒賞評之甲三於是脫離防務而夏天長旋解任去繼者世襲王國楨不諳軍旅防務漸弛而漸不振

同治二年癸亥三月教匪合苗犯清谿玉屏我守西北防駐地柳大風五月清江苗復陷古州攻黎平

我移南防駐九佛塘洞蜡坳九月石達開餘黨由川還粵道會同我備東防駐長勝營雙坳關是歲無戰事鄉人樂業縣主方時乾政簡刑清與民休息我里不經兵燹尤稱樂土

同治三年甲子四月張秀眉合清江苗出至湍洞五月十六日縣調各團守城我軍一百六十人同遠口團百餘人守南門江東團五百餘人守東門府兵三百餘人守西門甕洞藍田邦洞三團一千餘人守北門二十三夜賊從邦洞來薄北門二十四日寅刻城陷知縣方時乾死先是苗窺漢寨見沙

子梨園引高等隘防守嚴密留小股牽之以大股道款場復分衆踰平珍坡王至洛寨大股由等溪趨執營執營圍逼之不能敵縣令邦洞藍田團合禦團敗入城賊踵至城下圍北門時已夜半不攻不禦內外寂無人聲我守城南巡更不准至城北即守東西門者亦罔悉賊至大半歸人家宿將曙賊從北門入充斥街巷居民呼號我覺倉皇奪路出南門越南坡哨遁歸里人震恐會議防堵坐寨人龍光璞時避苗屋我里與局紳善紳請入局勸勦策苗屢攻大風高風等營不下必改道白盆圭

大攻大田當添守窰炭大田不然遷局對江馮河
而守紳以棄西北岸民非計獨王先和首先贊同
謂卜不吉須多軍駐局以備策應紳又絀之潘仁
謙力爭亦不從於是先和憤携光璞渡河去局竟
注意大風高風等營厚力以守而大田卡僅駐軍
一棚團體自是稍解會議多有不至者六月十六
日苗至王寨圍退過河遂燬之賊之燬王寨也初
猶懼之會王寨圍偵賊少且近踞木杉甘洞約地
良團進攻至悠洞半坡遇賊為賊所敗失去大礮
六尊團潰散狂奔不能收隊賊尾至王寨陷二十

天柱
五區
團防志

四日苗從圭大襲大田大田戶丁聞賊先遁我軍
十人據觀音山下卡力禦賊衆難敵緣嶺趨大勝
營告急苗入大田段分股攻空處一出半坡攻寨
背我大勝營援軍擊退一沿溪下我親軍吳展堂
等三人堵寨右角扣臨溪卡賊依盤路上展堂連
發三鎗仆四賊賊卻展堂長於鎗昔在大風營以
抬鎗轟紅衣賊三又復地柳營以過山鳥擊大旂
賊二皆應聲倒為我軍鎗手冠每戰以二人裝子
藥此二人非前熟手一懾賊手戰難裝一裝之食
藥過量致鎗爆炸飛火焚所佩藥袋傷展堂目負

痛退賊疑伏不敢進復折下溪從大礮邊出千總
王國楨帶防兵三十名渡河來救戰敗溺死苗燬
空處賊大股轉大田留小股圍攻王恩培家不下
我防軍馳救苗燒大田段盡去二十六日戈鑑統
楚軍千餘至岔處駐對江防營上局紳請其尾賊
進剿我軍先行戈難之諭勸四十八寨籌款招軍
整頓防務越日戈去然軍興日久公私交困漸生
厭心不復從前踴躍矣

同治四年乙丑正月張秀眉復竄柱境局議斗糧軍
需四千文招軍新舊合壹千二百人復紮六營以

天柱
五區團防志

二十五

賊盤踞江口往來藍田渡馬白市間乃紮大風頭
營地柳中營銅鑼後營新市右營新鐘左營遠口
前營二月十四日苗三路攻遠口聚星團戰敗賊
不追自退去我以每營練勇僅二百人分防各卡
實形單薄請黎平府派軍相助府乃前縣徐達邦
念我扼三江門戶當賊北竄入黎要衝命舒熊二
軍紮遠口三月初四日舒熊進軍勦陽山我從之
初五日苗合大隊攻我前者我軍經訓練又習戰
每戰必捷此次烏合又有匪人雜伍內臨陣散潰
賊乘我難復戰沿河奔上而紮遠口新市新鐘

者亦驚潰越山逃走賊踵至三門塘初八日黎明
王貞聖率其鄉人禦賊湖廣山下力戰死苗燬團
防局擄吳長鶴去至亮江熟苗脫之苗陷王恩培
家其家人四十八口同遇害凡入王宅避賊者又
死百數十人棄屍池中堆積成山罹禍之慘甲於
我里時有團紳劉有仁聞賊陷空處由姚家灣率
練勇八十人來援至大坳頭遇賊力戰賊死數人
猶狙伏進退保塘拒之賊遂圍抱塘有仁手殫
一賊賊由山背抄出夾攻有仁陣亡賊刃仁首塗
闕畀其身投塚中云至是四十八寨不十日遂成

二十六

天柱
五區團防志

一片焦土團防一跌莫起任賊去來湖南請會諸
縣自是無寧歲矣潘世望以狀請湖南巡撫惲世
臨入奏奉旨勅部分別旌恤又稟貴州布政司兆
琛准於空處建忠義祠以祀保安團禦賊殉難諸
公六百八十一人

編者曰保安團戰守事吾於童時耳熟諸鄉之老
成獨惜月日莫悉無從紀其實癸卯忠義祠成
曾伯隅先生欲得其詳將有所言而傳之索閱縣
志蕪雜而畧聞吳展鶴張萬盛二公躬與其事當
有作者命吾求之以修縣志時假去不歸復函索

之又不獲引以為憾茲因省續修通志遍訪之咸
同時任事諸公家乃於潘公世塹家得張本實吳
本張錄耳吳總糧饌司勳籍所書月日皆實紀至
籌畫戰守情狀不及龍鑄臣吳展堂二公口述詳
備今又從張公家得咸豐十一年文牘稿及抄存
黔撫奏保各摺稿証曩所聞若合符節而團防志
畧之作庶乎有本不類齊東野人之語噫吾因徵
求遺事幾費歲月周旋彼當日諸公之慘澹經營
一隅孤注不知嘔血誠若干斗此志畧所以不厭
詳審也

二十七

天柱
五區團防志

時

中華民國八年古曆六月望日並識於楊溪田中廬
張德培曰由義上半里保安團創自咸豐戊午年
里先達王恩培潘世塹龍甲三諸公奉縣主徐達
邦令始設局於空處青木宮練團防堵戰守八年
據昔傳言當時練勇鄉丁不滿三千較諸賊衆十
之一耳且相拒於大風地柳諸山中至血肉相搏
犧牲身命以捍衛桑梓可謂壯矣後以同人猜忌
人心瓦解防務廢弛而賊遂得逞志而蹂躪之致
以前功盡棄豈不惜哉七月龍君傑卿以組織辦

學過余出所編保安團防志畧讀之令人神往其
際如親聆曩昔諸公籌畫戰守之策與夫摧鋒陷
陣之勇喜曰是不可沒也當付棗梨以傳之俾後
來者均悉前哲勲烈焉

吾鄉防務起道光庚戌止同治乙丑前後十六年或因循而振興或振興而廢弛盛衰成敗論者謂出道之適然吾讀保安團防志得其盛衰成敗之故矣自來國事之敗不敗於衰時多敗於盛世安而忘危者禍遲而小勝而矜驕者禍速而大故有癸丑丙辰之恐慌必有庚申辛酉之安樂有己未壬戌之戰勝必有甲子乙丑之失敗意見紛歧人心渙散其不覆巢也得乎今者甲子一周適逢其會而拙園先生亦於是時集成團防志俾吾儕周知咸同間吾鄉盛衰

天柱
五區團防志

成敗不盡關乎天數而實人事之不臧先生用意以良深矣雖然彼當日諸公奮興於危急存亡之際支持於四面匪風之時其豐功偉績又烏可滅哉

民國九年歲庚申蒲月端午日季成龍光武書後

附刊忠義祠記額聯

忠義祠記需樓記及匾對額聯均曾伯隅先生所作並書先生名廉湖南邵陽人以言忤時之權貴隱居此者館於冕菴見舊祠在關帝廟前右隅卑狹而陋議重修之遷於潮源庵左即今處也諸作辭嚴義正不惟表死者之榮且足以鼓生者之氣茲刻團防志附刊之以垂久遠

空處忠義祠記

君子之於天下甚惜乎其名也何則天下惟名之所繫足以鼓不死之人心而成為風俗是故善為

天柱
五區團防志

三十

治者治之以名而已矣余以去年館於天柱空處潮源庵見其隅有室甚褊陋前礙牆不能咫尺亦蕪穢不可以入而觀其題額曰嗟乎是乃昭忠祠乎蓋同治時有苗之亂天柱由義里諸士君子訓練其里之人而禦之於大風戰守歷五載兼援牛場及於茅平蹀血以死凡數百人而總練事王司馬恩培者閤門燭馬死尤烈方伯非公為請於楚撫奏於

朝許其祠祀者也余獨異當時之為祠也何其恭而草畧至此豈時方出水火鄉方饑困而力不足

以宏盛典與抑朱子所謂世所崇飾而神事之者
非老子釋氏之宮則妖妄淫昏之鬼而已然設不
為之祠世之人亦未必不聞而感歎欷歔欽國殤
之餘烈今祠乃爾猥狹是使人過而蔑之將以為
忠義之賤於釋老妖妄淫昏也是有不如其無也
何也君子之所競競爭之者是人心所同然特無
以動之耳故曰君子之德風風者非佗以名動之
也今既曰昭忠祠矣而復褻之是上無以康死者
而下不足以勸將來也是祠之制與其名悖而反
失

朝廷所以激厲天下之用也君子欲動天下其何以
動之其將舍名而以利乎利不可厭也於是而天
下之禍烈矣此君子所以潛焉出涕而為當世惜
也維時里人士曰王明經文德王重九會鈺等知
其然也乃相地勾工遷祠於沅水之上凡年餘而
成帶山襟江既敞且高復釀金以供春秋祀事於
是右為將事憩息之樓左為神厨籩豆尊爵諸皆
大備祀之辰天曠忽賜綢緼屨蒿衣冠式臨不言
而肅庶幾神具載亨而世之人皆因以知忠義之
重益親敬其

君父也則觀於鄉而知王道之易易矣喜其遷而之乎善也乃思為之傳焉

光緒三十年秋八月丁未朔澄濱野人記

需樓記

室處忠義祠既成乃度為將事憇息及會餞之次以其地前俯逾尋歷階而降之弗便於升也於是即其右為樓與堂基平而余名之曰需樓蓋易需之六四曰需於血出自穴象曰順以聽也九五需於酒食象曰以中正也夫人之事君無致身之心及其從軍而有生還之志則非所謂順以聽也然

天柱 五區 園防志

而易言出自穴者君子之以身殉國家初非入於穴也天之與人迫而相還知其為穴而必蹈之其生也榮其死也哀無以異也故出自穴者非獨寧俞逢丑父為然也富辰狼曠抑足當之蓋天下皆望穴而止而不知幸免於穴者幸而已矣亦可以言出也此順以聽之為難聖人之所以美需於血也然則若諸公之膏流川谷亦足合六四之占矣至於旭日方赫衣冠戾止以肅厥事祭畢而餞尊俎維旅揖拜以飲皆此樓也又非所謂需於酒食者乎雖然方諸公之效命疆場豈意後之人必俎

豆而神明之為其順以聽是以死而彌光久而人不諼也然後知其出自穴也後之人羣幸生承平之時知酒食娛神及人之為樂而不知當時血之沃於刀鋸斧鉞也則酒食無亦近於荒乎故曰其亡其亡繫於苞桑君子安而不忘危存而不忘亡治而不忘亂昔之人需於血而必不知有酒食後之人需於酒食而必不可不知有血也此則聖人之所謂中正而余所以名此樓也若夫江聲樹影月色山光之勝可以憑樓而得之者又酒食之間所以佐游覽之興而使人襟懷之超遠然君子則

天柱
五區
團防志

三十三

固可以酒食概之而畧而不陳也八月辛酉望澄濱野人再記

能 享堂額

憤 享堂門額

流

泉

廠

秋

巖

沸

享堂聯

大風營故壘雲高可惜五年酣戰鼓角地中鳴千夫長奮呼同澤慷慨捐軀有誰憑弔前來那堪對

荒冢白楊秋江磷火

空處汎斜陽市散祇今一味新涼槐榆陰下坐數
老人細說從頭咨嗟流涕不信英靈真在請試看
長空香霧古木神鴉

享堂聯

此邦屬貴筑邊隅每懷義魄忠魂大地何方無正
氣

今日尋輿槐間道但見流泉灌木後人有福際平
時

享堂楹聯

天柱
五區
國防志

風教在千秋此邦端合名天柱

祠堂經再易終古從知有國殤

享堂門聯

風塵終不解

編簡為誰青

外門聯

開扉納黃少

灑血光清江

需樓聯

繞屋樹搖三面月

隔江山擁一弓橋

天柱
五區
團防志

三十五

天柱五區團防志校勘記

1頁3行 「我區當衝要」句，原書漏「區」字。

6行 「揭竿」，原書訛為「揭算」。

14行 「不佞」，原書訛為「不吝」。

15行 「階段」，原書訛為「階級」。

4頁15行 「訴訟鬪毆」，原書作「訴訟鬪歐」。

16行 「彗星」，原書訛為「慧」。

6頁2行 「徐軍」，上文未見，或係「我軍」

之誤。

天柱五區團防志

校勘記

7頁5行 「鈴記」，原書訛為「鈴記」。

9頁7行 「長埭嘴」，地名，原書作「長長埭」，據上文改。

10頁10行 「玩龍」，原書訛為「完隆」。

15行 「犄角」，原書訛為「犄犄」。

11頁6行 「候補」，原書訛為「候補」。

13頁3行 「欲從鷓鴣渡河」句，查天柱縣志有「鷓鴣寨」，「鷓鴣」疑為「鷓鴣」之誤。

13頁10行 「大股」，原書訛為「大服」。

18-19 行

「吶喊」，原書訛為「吶呼」。

18 頁 2 行

「傘溪」，地名，原書作「溪傘」。

19 頁 13 行

「廬舍」，原書訛為「盧舍」。

20 頁 16 行

「步哨」，原書訛為「捕哨」。

27 頁 1 行

「續修通志」，原書訛為「修續通志」。

30 頁 17 行

「馬」，原書訛為「馬」。

31 頁 14 行

「會鈺」，人名，「會」疑為「曾」

之誤。

32 頁 2 行

「馬」，原書訛為「為」。

天柱
五區團防志

校勘記

二